

## O bbuono e 'o malamente

Almamegretta

Ce sta troppo rummore troppo casino lascia che 'o raiss ti  
parli da vicino  
pe te dicere tienelo a mmente chi è 'o bbuono e chi è 'o mala-  
mente  
allora arape ll'uocchie e cervella e tienelo a mmente chi è  
'o bbuono e chi 'o malamente  
ind'a chistu clima 'e caccia 'o criminale no nun voglio fa' nu  
tribunale universale  
chest'è solamente n'opinione personale sulo nu giudizio in-  
dividuale  
allora guarda 'e fatti in maniera razionale senza stà a senti  
sta propaganda elettorale  
te voglio dicere tienelo a mmente chi è 'o bbuono e chi 'o ma-  
lamente  
no nun pozzo suppurtà chi nun riesce a capì addò stà 'o b-  
buono e 'o malamente  
ce sta chi tiene 'e ccarte 'e cientomila lire ce sta chi ind'a  
sacca nun tiene manco mille lire  
ije so' nato e so' cresciuto ind'a nu quartiere addò o arruob-  
bi o spacci o te faje na pera  
senza 'na lira nanz'a televisione che te dice nun s'ì ommo si  
nun tiene 'o machinone  
'a scola ll'aggio fatta mmiezo 'a na via mmiezo 'e mariuole  
e mmiezo 'a polizia  
e allora che vulite si vengo 'a cucaina si voglio magnà pu-  
rije sera e matina  
si voglio stà pur'ije comm'e figlie d'e signure co 'e denare  
ind'a sacca 'e co 'e vestiti bbuoni  
allora quanno liegge ngoppo 'e ggiurnali che 'e uardie han-  
no acciso ati quatto criminale  
pienzece bbuono tienelo a mmente chi è 'o bbuono e chi 'o ma-  
lamente  
no pozzo suppurtà  
nun me parlate cchiù 'e moralità nun me parlate d'onestà e  
criminalità  
ije so' cresciuto senza manco n'opportunità chello che fac-  
cio 'o ffaccio sulo pe' magnà  
ind'a chistu munno ce sta chi arrobbia legalmente e sfrutta  
tutte juorne a miseria 'e ll'ata gente  
allora pecché pe' tutta chesta ggente lloro so' bbuone e ije  
so' malamente?